

Bosna i Hercegovina
Federacija Bosne i Hercegovine
Tuzlanski kanton
Općina Teočak
Općinski načelnik
Broj: 02-11-764-8/20
Teočak, 30.06.2020. godine

Na osnovu člana 64. stav (1) tačka b), člana 70. Zakona o javnim nabavkama („Službeni glasnik BiH“ broj: 39/17), te člana 43. Statuta općine Teočak („Službeni bilten općine Teočak“ broj: 5/08, 2/12), a na preporuku Komisije za javne nabavke Općinski načelnik d o n o s i:

ODLUKU

o rezultatima okončanog postupka javne nabavke i izboru najpovoljnijeg ponuđača

Član 1.

Prihvata se Preporuka Komisije za javne nabavke, broj: 02-11-764-7/20 od 29.06.2020. godine, te Ugovor za završetak radova na izgradnji sportske dvorane u općini Teočak dodjeljuje se ponuđačima:

- **LOT 1- Mašinske instalacije** dodjeljuju se ponuđaču „**Termo Tanasić**“ doo Doboj, ponuda broj 121-6/20 od 16.06.2020. godine, za ponuđenu cijenu od 52.979,11 KM, bez PDV-a, kao najbolje ocijenjenom ponudom.
- **LOT 2- Završni radovi** dodjeljuju se ponuđaču „**Astra Plan**“ doo Brčko, ponuda broj 24-06/2020 od 24.06.2020. godine, za ponuđenu cijenu od 28.554,69 KM, bez PDV-a, kao najbolje ocijenjenom ponudom.

Član 2.

Prijedlozi Ugovora dostavit će se na potpis izabranim ponuđačima: „Termo Tanasić“ doo Doboj sa sjedištem u ulici Krnjinskih srpskih brigada 154, 74000 Doboj i „Astra Plan“ doo Brčko sa sjedištem u ulici Branislava Nušića 5, 76120 Brčko.

Član 3.

Izabrani ponuđači će u roku od 5 (pet) dana dostaviti dokaze činjenica potvrđenih u Izjavi iz člana 45. Zakona o javnim nabavkama BiH.

Član 4.

Za izvršenje ove odluke zadužuje se Služba za privredu, finansije, prostorno uređenje i civilnu zaštitu općine Teočak.

Član 5.

Nabavka radova na završetku izgradnje sportske dvorane u općini Teočak će se finansirati iz sredstava planiranih Budžetom općine sa bilansne pozicije: 821211-Radovi na sportskoj dvorani.

Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj 02-11-764-1/20. Javna nabavka je provedena putem konkurentskog zahtjeva za dostavu ponuda. Procjenjena vrijednost javne nabavke bez PDV-a je 78.000,00 KM i nabavka je bila podijeljena u LOT-ove.

Komisija za javnu nabavku dostavila je dana 25.06.2020. godine Zapisnik o otvaranju ponuda broj 02-11-764-5/20, te nakon obavljene e-aukcije dana 29.06.2020. godine u 11 h i 13 h za oba LOT-a na kojoj nije bilo podnošenja ponuda dostavila Zapisnik o ocjeni ponuda broj: 02-11-764-6/20 i Preporuku za izbor najpovoljnijeg ponuđača broj: 02-11-764-7/20 u postupku javne nabavke konkurentskim zahtjevom za Završetak radova na izgradnji sportske dvorane u općini Teočak.

U postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjeni prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je: 3 (tri) ponude za LOT-1 Mašinske instalacije i 2 (dvije) ponude za LOT-2 Završni radovi
- da je blagovremeno zaprimljeno: 3 (tri) ponude za LOT-1 Mašinske instalacije i 2 (dvije) ponude za LOT-2 Završni radovi

Kriterij za ocjenu ponuda je najniža cijena.

Za LOT-1 su pristigle ponude od sledećih ponuđača: „Termo Tanasić“ doo Doboj sa ukupno ponuđenom cijenom od 52.979,11 KM, „Astra Plan“ doo Brčko sa ukupno ponuđenom cijenom od 102.625,00 KM i ponuda od „Papilon“ doo Čelić sa ukupnom cijenom od 92.986,30. Sve navedene cijene su bez obračunatog PDV-a. Općinska Komisija za javne nabavke je nakon provedenog postupka e-aukcije putem kojeg nije bilo ponuda i detaljne evaluacije svih ponuda, kao najpovoljniju je ocijenila ponudu od ponuđača „Termo Tanasić“ doo Doboj.

Za LOT-2 su stigle dvije ponude od sledećih ponuđača: „Astra Plan“ doo Brčko sa ponuđenom cijenom od 28.554,69 KM bez obračunatog PDV-a i ponuda od „Papilon“ doo Čelić sa ukupnom cijenom bez obračunatog PDV-a od 57.701,58 KM. Nakon provedenog postupka e-aukcije na kojoj i u ovom slučaju nije bilo ponuda, Komisija za javne nabavke je kao najpovoljniju ocijenila ponudu od ponuđača „Astra Plan“ doo Brčko.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, ugovorni organ Općina Teočak – Općinski načelnik nije našao razloge nepravilnosti niti propuste u radu, koji bi eventualno bili osnov za neprihvatanje Preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stava (1) najniža cijena ponude, Zakona o javnim nabavkama, odlučeno je kao u članu 1. ove Odluke.

Pouka o pravnom lijeku

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.



Općinski načelnik

Tajib Muminović

Dostavljeno:

- Ponuđačima: Termo Tanasić doo,
Papilon doo, Astra plan doo
- Komisiji za JN
- a/a